

柳選四家醫案

評選繼志堂醫案上卷

常熟曹存心仁伯著

江陰柳寶詒穀孫選評

及門諸子 參校

江陰柳氏醫  
學叢書之六

○心營與腎水交虧。肝氣挾肝陽上逆。胸中氣塞。口內常乾。手震舌掉。心煩不寐。卽有寐時。神魂游蕩。自覺身非已有。甚至便溺納少。脾胃亦衰。脈形細小無神。而有歇止之象。逐證施治。似乎應接不暇。因思精神魂魄。必令各安其所。庶得生機勃勃。否則悠悠忽忽。恐難卜其

施元吉擬許學士真珠母丸法。

石决明

鹽水煅一兩

人參一錢

歸身半錢

犀角分錢

龍齒三分

茯神

三錢生地

四錢麥冬

二錢棗仁

二錢炙草

三分淮芍

三錢沈香

磨冲三分

另珠粉四分先服

詒按此方於肝氣一層嫌少理會。愚意去山芍甘草加木香陳皮。則胸中之氣塞亦平矣。

又接服方

生地

白芍

人參

丹皮

橘紅

茯神

棗仁

石決明

龍齒

桃米

佛手

再診 脈之歇止向和。便之溏泄不作。氣塞稍平。手震

亦定。但瘡多麻少。內藏之魂魄未安。胸痞脘悶。上壅之。

濁痰未降。容將通陽鎮逆法。參入前方。冀相與有成耳。

真珠母丸

真珠母  
柏子仁

熟地  
茯神

當歸  
犀角

人參  
龍齒

棗仁  
沈香

去柏子仁 當歸

加旋復花

一錢

五分代赭石

三錢

陳皮

七分  
冬朮

七錢  
炙草

五分  
白芍

二錢  
麥冬

三分  
甘瀉水煎竹

瀝一兩冲服

詒按案云。通陽鎮逆方中用旋赭鎮逆。而朮芍麥草。則未可謂之通陽也。

三診 夜半得寐。心腎已交。肺魄肝魂。自能各安其藏。無如心易煩動。神反疲乏。氣猶短促。胸還痞悶。脈仍細。

小兩足不安。脈虛證虛。是謂重虛。而兼有濕痰從之爲患。夫痰卽有形之火。火卽無形之痰也。法當固本爲主。消痰佐之。

人參固本丸

加龜板

五錢

茯神

三錢

棗仁

二錢

白芍

三錢

淮麥

三錢

陳皮

一錢

旋覆花

五錢

柏子仁

一錢

冬朮

五錢

另珠粉二分

竹油二十匙

雞子黃一枚

和服

詒按於痰病重投冬地得無嫌其滋膩否。

四診

風火痰三者之有餘。留滯肝經。以致卧血歸肝。

魂不能與之俱歸。筋惕肉瞶而醒。前次氣短等證。莫不因此而又起。於有年病後。氣血兩虧。何堪磨耐。所治之

方不出許學士法加減。現在脈息細小帶弦。雖無止歇之形。尚有不靜之意。究屬難免風波。未可以能食爲足恃也。

石決明

鹽水燜  
三錢

麥冬

錢

犀角

五分  
錢

柏子仁

三錢

龍齒

三錢

棗仁

鹽水炒  
三錢

歸身

七分  
錢

大熟地

浮石粉  
炒大錢

羚羊角

一錢

冬朮

一錢  
五分

白芍

三錢  
錢

陳皮

一錢  
錢

人參

二錢  
錢

茯神

三錢  
錢

薄荷

五分

另金箇

二張  
竹瀝

真珠粉

三錢  
分

薑汁

一匙  
服

詒按

方中用銀花薄荷兩味。不識其意何居。

五診

前夜熟睡。昨又變爲少寐。寐之時適在子時。以

後肝膽兩經尙有餘邪可知更兼痰火阻氣時逆時平其氣逆時必面赤心悸甚則肉瞤筋惕煩熱不安脈亦隨之變異所謂心火一動相火隨之是也調治之外必須靜養俾心火凝然不動方可漸入坦途

人參

丹參

麥冬

元參

各二錢

旋覆花

冬朮

各一錢

一錢

橘紅

一錢

小麥

五錢

棗仁

川連煎汁拌炒

茯神

川貝

各三錢

炙草

四分

枇杷葉

竹茹

各三分

珠粉

沖分

詒按相火屬少陽卽膽火也方中川連竹茹恰合

病機

六診 所患小恙無一不除蓋以清之化之補之養之

無微不至而得此小效耳。所嫌者，麻非其時，瘡非其時，心陽太旺，神氣外馳，是衛氣獨行於陽，陽蹻脈滿，滿則不入於陰，陰分之虛明矣。將滋陰之品參入前方，未識能弋獲否。

前方加大生地

五錢陳膽星分

另真珠母丸

硃砂安神丸各五十粒

詒按此證不寐乃肝膽有痰火所致。案中引內經陽蹻脈滿之文，本屬強爲牽合。至以經言陰虛，指爲陰血之虛，尤非經文本旨。

七診 人可以參天地之幹者，莫貴於眠食。如當今食

能知味眠則未安。昨夜忽寐忽醒。醒則不爽。寐則不安。以昭衛氣不得入於陰。獨留行於陽之意。

按案語。牽合支離。總由誤認經文陰字。故說來總不入理。

是陽躊脈滿。營血不能充足。肌肉不能潤澤。苟非陽生陰長。陰足戀陽。何以漸入佳境。然營中之血既不生之於心。烏能藏之於肝。統之於脾。而欲藉草木之無情。俾血肉之有情者。以生以長。談何容易。况

當此痰火易煩。得食暫安。以及虛風內動。筋惕肉瞤。支體牽搖。大便難通之候。更難爲力矣。急宜加意調理。

前方去元參旋覆珠粉丹參

加黃耆

一錢。遠志三分。

歸身

半夏

一錢。五分。

指膽汁炒木香

三圓眼肉

三枚。

另真珠母丸 四十粒  
硃砂安神丸 三十粒

詒按黃耆與此證不甚合。膽汁炒半夏。思路新穎。  
八診。徹夜好眠。神魂已定。是佳兆也。但脈形細小。而  
兼滑數。數爲有火。滑爲有痰。細屬陰虛。小屬氣弱。虛弱  
之中。兼有痰火。有時面紅。有時欬嗽。有時氣痞而短。有  
時煩熱不安。更兼大便燥而小便短。筋惕肉瞶。支體動  
搖。神情困倦。語言無力等證。均未平復。還宜謹慎小心。  
前方加柏子仁三錢。

另硃砂安神丸 三十粒  
真珠母丸 四十粒

詒按此好眠是痰蒙所致。未必定是佳兆。

九診。臟之爲言藏也。心之神。肝之魂。肺之魄。脾之意。  
腎之志。無不各得其藏。五臟和矣。卽有不和。因藏真不足。蓋有待也。而與藏相表裏者爲府。府以通爲補。與藏之以塞爲補者有間。因思胃主下行。腸主津液。津液不充。下行失令。故大便燥結。而難通。此際不以滋養營陰。俾得施潤澤。非計也。目前之治如此。將來或痰或火。或感或傷。偶有違和。事難逆料。斷無預定之理。隨時斟酌爲囑。

麻仁 郁李仁 柏子仁 松子仁各三錢 桃仁七分  
陳皮 人參 蘇子各二錢

另朝服膏滋藥晚服丸藥

此王江涇王姓病也是人素有肝火上升之病想熱病之後必有餘邪餘火留於肝膽乘虛竊發氣塞而不能卧起者中有實痰加於短氣不足以息之體神魂搖蕩身非已有虛之甚矣用真珠母丸法先以犀角治實火參地補氣血俾相火得清而奠安第二方卽參入陳皮竹油赭石旋覆花挾補挾化第三方人參固本入龜板耆芍雞黃第四方加入羚羊銀花清藥與補藥俱加倍用之第五六方竟是十味溫膽喫重痰火一層用藥心

細手和既沈着亦靈敏洵可法可師之作。

○陽絡重傷。欬無虛日。而於五更爲甚。口乾盜汗。溺赤。便溏。脈數而身熱。欲成損證也。咽中已痛。慮其加喘。生變權以清熱存陰。

黃芩湯合猪膚湯加牡蠣。

再診 所見病情與前無異。喜食藕汁。咽中乾痛稍輕。大便溏泄更甚。雖屬肺熱下移於大腸。而實則中氣已虛。失其所守也。

六味丸 加牡蠣 川貝 元參 淡芩

詒按 大便溏泄虛證中所最忌者此證始終大便

不堅故再三反復終不復元也。

三診 潟泄已止。欬嗽未除。咽喉盜汗脈數。肺經尚有  
熱邪。

補肺阿膠散 加白芍 生地 淡芩 元參

山藥

四診 便泄稀。身熱輕。咽喉乾痛亦漸向愈。而欬嗽腹  
鳴。神疲納少。脈小帶數。想是風熱遞減。氣陰兩虧。而脾  
中之溼。又從而和之爲患。補三陰通三陽之外。更以崇  
土化溼佐之。

六味丸 加牡礪 淡芩 於朮 防風 陳皮

經元生

卷之三

七

詣按陰虛而挾脾溼。陽虛而挾肺火。邪實正虛。彼此相礙。凡治此等證。總須權其輕重緩急。又須心靈手敏。方能奏效。若稍涉呆滯。則效未見而弊先滋。如此證屢用六味。雖於證情亦合。究嫌落筆太重。少靈動之機括也。

五診 氣陰得補漸和。不意又有燥風外感。襲入溼痰之中。微有寒熱咽痛。咳嗽不止。權以清養法。

炙草  
六味丸去萸 加桑葉 杏仁 陳皮 川貝

六診 發熱惡風汗多。是屬傷風之象。但傷於肺者。氣行則已。傷於心者。難免不着而爲患也。大爲棘手。

六味丸合玉屏風散 加桑葉 元參 川貝

橘紅 甘草

七診 多汗惡風之象漸輕。新風解矣。而欬嗽咽痛。大便溏。飲食少。仍是脾肺腎三藏皆虛之候。幸未氣喘。

玉竹飲子

玉竹茯苓甘草桔梗  
陳皮川貝紫苑薑

合猪膾湯 玉屏風

散 加麥冬 山藥

八診 脾虛則便溏。肺虛則欬嗽。腎虛則虛火上炎。咽喉乾痛。脈弱無力。元氣傷矣。急宜補氣育陰。

人參 二冬 二地 黃耆 陳皮 阿膠

杏仁 百合 甘草

詒按此方究非便溏所宜。

九診 精生於穀。腎之精氣皆賴穀食以生之。而穀食之化又賴脾土以運之。今使溏納少。脾失運矣。急宜補脾爲要。

都氣丸合四君子湯 百花膏

另入仙長壽丸參湯下

詒按此方亦嫌少靈活之致。

又按此證前後方案九則。議論頗有精當處。惟用

藥未能面面照顧。總緣陰虛而兼便溏。彼此相礙。  
難於安置安帖也。

○先生之病。素稟溼熱。又挾陰虛之病也。溼者何。地之氣也。熱者何。天之氣也。天地鬱蒸。溼熱生焉。溼熱稟於先天者。與元氣混爲一家。較之內傷外感之溼熱。屬在後天者。豈可同日語哉。設使薄滋味。遠房幃。不過生瘍出血而已。乃從事膏梁。更多嗜慾。斯溼熱外增。陰精內耗。藏府營衛。但有春夏之發。而無秋冬之藏。無怪乎風火相煽。而耳爲之苦鳴也。當斯時也。靜以養之。猶可相安無事。何又喜功生事。火上添油。致陡然頭暈面赤。其

一派炎炎之勢，蓋無非肝經之火。督脈之陽，上冒而爲患，近聞用引火歸原之法，以爲甘溫能除大熱，嗟乎！未聞道也。夫甘溫除大熱者，良以下極陰寒，真陽上越，引其火歸其原則，坎離交媾，太極自安。若陰虛溼熱蒸動於上者，投以清滋，尙難對待，况敢以火濟火，明犯一誤，再誤之戒乎？逮後清已有法，滋亦頻投，飲食能增，身體能胖，而坐立獨不能久者，明是外盛中空，下虛上實，用藥殊難。嘗見東垣之清燥湯，丹溪之虎潛丸，潤燥兼施，剛柔並進。張氏每贊此兩方，謂必互用，始克有濟，何故而不宗此耶？然猶有進於此者，治病必資藥力，而所以

載行藥力者胃氣也。胃中溼熱熏蒸致吐血痰嗽鼻塞。噫氣二便失調。所謂九竅不和都屬胃病也。然則欲安內藏。先清外府。又爲第一要着矣。至秋末冬初病甚者。十月坤卦純陰。天已靜矣。而溼熱反動。腎欲藏矣。而溼熱仍露。能勿令病之加劇乎。附方謹復。

青鹽四兩甘草八兩荸薺一斤海蛇二斤草薢一兩飴糖八兩  
刺蝟皮一兩霞天麪一兩十大功勞葉一斤橘葉五兩  
共爲末。竹瀝和水泛丸。每朝四錢。服完後合虎潛丸。  
全料全合當服。按方中海蛇荸薺飴糖不能作丸。此  
鹽以下數味爲末而用荸薺海蛇煮汁和飴糖竹瀝泛丸乃合

原註起手提清溼熱之病。陰虛之體發明先天素稟溼熱之故。第二段一折折出嗜欲膏粱。因此更加陰虛。第三段再折。折出動火傷陰。第四段直闡用熱之謬。下乃歸到治病先治胃通篇說理既精筆力遒老饒有古文筆意。

詒按推論病原指陳治法言言切實絕無模糊影響之談。最後推出先清胃府一層尤爲洞中窺要深合機宜。凡治陰虛溼熱者於此可悟出法門矣。○身熱手心熱少力神倦滯利脈濡此脾陽下陷陰火上乘甘溫能除大熱正爲此等證設也。

補中益氣湯 加鼈甲

詒按此脾虛內熱證也。用東垣法最合。

○勞倦而招風溼。右脈濡小。左脈浮弦。舌苔薄白。溺赤便溏。肢體痠楚。神倦嗜卧。少納口乾。

升陽益胃湯

參北者草夏陳芩澤羌獨防柴連芍薑棗加川朴

青皮

詒按此與前證略同。故用藥亦相似。

○胃虛則納食無味。脾虛則運化無常。

六君子湯合治中湯

加熟地

益智仁

杭米

詒按脾喜溫升。宜香燥。胃喜清降。宜柔潤。脾陽健則能運。胃陰充則能納。凡脾胃同治者。用藥須識

此意。愚意去熟地。加石斛似與胃虛者更宜。

○五藏六府皆有營衛。營衛不調。則寒熱分爭。此病分爭之後。肌肉暗消。因思脾主肌肉。肌肉暗消。正所以昭脾之營衛虛也。無怪乎腕痞納少。力乏嗜卧。脈形軟弱。有種種脾虛見象。於法當健脾爲主。而八八已過之年。陽氣必衰。又宜兼壯元陽。使火土合德。尤爲要務。

烏龍九合香砂六君丸 加首烏 當歸

○心脈宜大者反小。腎脈宜沈者反浮。浮則爲傷。小則爲虛。想是讀書攻苦。心腎不交。失其封藏之職。夫心腎即嬰兒姹女。欲其交者。須得黃婆爲之媒合。黃屬中央。

脾土所主。舍補中宮之外。皆屬徒然。

歸脾湯

詒按借丹訣以談醫理。原一貫也。此案說理頗  
珍惜未能指列病狀。

○晝爲陽。陽旺應不惡寒。夜爲陰。陰旺應不發熱。茲乃  
日間惡寒。夜間發熱。何以陰陽相反若是耶。此無他。陽  
虛則惡寒於日。陰虛則發熱於夜。陰陽之正氣既虛。所  
有瘧後餘邪。無處不可爲患。足爲之浮。腹爲之滿。渴爲  
之短。一飲一食。脾爲之不運。生飲生痰。肺爲之欬嗽。脈  
從內變而爲細弦。夫形瘦色黃。舌白。陽分比陰分更虧。

卷二  
極易致喘。

桂枝加厚朴杏仁湯 加附子 乾薑 冬朮  
半夏 橘紅

原註案則一綫穿成藥則理中去參以理其本。桂枝以和其標。二陳朴杏以化其邪。乃絲絲入籠之方。

○脾爲陰土。胃爲陽土。陽土病則見嘔惡。陰土病則見泄瀉。二者互相爲患。此平則彼發。令人應接不暇。現在嘔止而泄。似脾病而胃不病。不知脾胃屬土。不必乘之。不乘胃土而嘔。必乘脾土而泄。治病必求其本。本在木。

當先平木，必使陽土陰土皆不受所乘，方爲正治。

理中湯 烏梅丸

吳仙散

吳萸

白芍

詒按推究病機，既能融會貫澈，斟酌治法，自然入

穀。

○舌乃心之苗，舌上之苔，剝落不生者久矣，是心陰不足，心陽有餘也。

黃連阿膠湯去芩

加大生地

詒按胃陰枯涸者，每有此病，心陰不足之說，亦可備一法也。

○類中之餘。足不任身。手難舉物。尺脈無力。陰陽並弱。  
擬用河間地黃飲子法。

熟地 蔴蓉 川附 牛膝 石斛 遠志 巴戟  
甘菊

再診 手之舉動稍和。足之步履如舊。蓋緣陽氣難於  
充足耳。

六君子湯 加熟地 巴戟 白芍 川附 虎骨  
又方 彌芍六君子丸 加虎骨 巴戟 兔絲

茺蔚 首烏 杜仲 草薢

三診 足部有力。步履不艱。補方得力可知。仍以前法。

地黃飲子

地巴蒼黃麥斛葛芩遠薄味附桂

去麥味葛合異功散

加當歸

芍藥

蝎尾 竹油

詒按此病之由乎虛者故用藥專以補養收功○

從前並未用疏風化痰之藥案中亦無見證至末

方諸恙就痊而忽加蝎尾竹油二味想必另有風

痰見證也

○怒則氣上痰卽隨之陡然語言蹇濶口角流涎月餘不愈所謂中痰中氣也然痰氣爲標陽虛爲本所以脈息遲弦小水甚多肢麻無力法宜扶陽爲主運中化痰佐之

六君子湯 加川附 白芍 麥冬 竹油 蝎梢  
詒按立方虛實兼到。所謂看似尋常，最奇特也。勿以平易忽之。

○左肢痺而不用口歪流涎，舌苔起膩，便溏溺少，脈形弦遲，以中虛溼勝之體，易於生痰動風，內風既動，未有不招外風者也。

牽正散白附  
蝎梢 合二陳湯 加川附 桂枝 白芍

製蠶

再診 肢體稍和，流涎略減，仍以前方增減。

前方去芍 加首烏 川斷 竹油

詒按方案均切實不浮

○膝骨日大。上下漸形細小。是鶴膝風證。乃風寒溼三氣合而爲病。痺之最重者也。三氣既痺。又挾肺金之痰。以痺肺。所謂肺有邪。其氣留於兩肘。肘之痺偏於左。屬血屬陰。陰血久耗。無怪乎腰脊突出。接踵而來。至於欬嗽。鼻流清涕。小水色黃。肌肉暗削。行步無力。脈形細小。左關獨見弦數。是日久正虛。風寒溼三氣漸見化熱之象。擬用痺門麪羊角散加減。

麪羊角 歸身 白芍 杏仁 羌活 知母

桂枝 蒼米 秦艽 製蠶 茯苓 竹瀝 桑枝  
詒按由膝而肘而脊。病情漸引漸深。方中於膝時  
之邪已能兼治。於脊突一層似未能兼顧及之。擬  
再加鹿角霜川懷牛膝等味。

○素患鼻衄入夏又發下體瘦軟無力欬嗽口乾渴黃  
膚熱想是鼻衄屢發上焦陰液久耗而胃中溼熱之邪  
熏蒸於肺。肺熱葉焦則生瘻壁也。

清燥湯參耆草杞歸橘柴麻羌地連猪茯麥味蒼柏葛去朮升柴加白芍  
茅花 枇杷葉

詒接此證自當滋清營液爲主東垣清燥湯立法

未純。前人頗有議之者。用者當審之。○案語闡發  
病情極其熨帖。

○人年四十陰氣自半。從古至今如是。惟尊體獨異者。蓋以溼熱素多。陽事早痿耳。近又患臂痛之證。此非醫書所載之夜卧臂在被外。招風而痛。乃因久卧竹榻。寒涼之氣漸入筋骨。較之被外感寒。偶傷經絡者更進一層。所以陽氣不宣。屈伸不利。痛無虛日。喜熱惡寒。仲景云。一臂不舉爲痺。載在中風門中。實非真中。而爲類中之機。豈容忽視。現在治法。首重補陽。兼養陰血。寓之以祛寒。加之以化痰。再通其經絡。而一方中之制度。自有

君臣佐使焉。

熟地

八兩

當歸

四兩

白芍

二兩

虎掌

一對

阿膠

三兩

半夏

四兩

橘紅

二兩

枳殼

二兩

沈香

五錢

黨參

四兩

於芷

四兩

茯苓

八兩

熟附

一兩

炙草

一兩

風化硝

一兩

桂枝

一兩

羌活

一兩

綿耆

二兩

薑黃

一兩

海桐皮

共爲末

用竹瀝

薑汁

和蜜水泛丸

詒按立方清切周到可法可師

神志門

○神識不清。自言自語。起坐無常。寤寐失度。脈形小滑。舌苔白膩。此痰熱內鬱。心包無路可出。而作心風也。久

久歸人癩癇毋忽。

導痰湯

芥夏枳星梅橘姜草

加菖蒲

遠志

另白金丸

詒按病情已屬癩證。再加犀角龍牡等清鎮之品似更得力。

○陽明之脈環於唇。唇起紅筋。卽發牽動而厥。厥醒吐沫。欬血。鼻衄。二便失調。脈弦滑數。顯係胃有積熱。動血生痰。又被肝火所衝激。乃癩證之根。毋忽。

六味丸

加川貝

石決明

另虎睛丸

虎睛一對製單一兩遠志五錢犀角一兩黑梔一兩蜜丸每服二十一粒

詒按既曰胃有積熱似非六味所能勝任且方中如萸肉之酸溫亦宜避去○又接積熱者蓄積之熱也與積滯之積不同虎睛丸中大黃黑梔卽爲泄熱而設

○癇證之因未有不由乎龍雷之火上升此則更有溼熱之痰從而和之爲患

六味丸 加龍齒 石決明 橘紅 黑梔 川貝  
川連 竹茹

詒按連讀癇證數案皆以六味丸爲主。查六味爲通補三陰之方先生習於內經重陰者癇一語謂

癇證必挾龍雷之火，而以滋水柔木爲主，故用藥如此。其實癇證有因於胎驚者，有因於先天陰虛者，亦有因於驚痰內擾者，當隨所因而治之。初非可執一端以論也。

○驚則氣亂，神出舍空，痰涎襲入，此心悸形呆，善忘，不語所由來也。至月事不至，血從內併，用藥亦須兼及。

茯苓 香附 沈香 半夏 橘紅 遺志 膽星  
牛膝

另驚氣丸

白花蛇 蝶蠶 腎臍砂 白附  
麻黃 天麻 桃紅 南星 薊子

詒按擬加丹參琥珀歸鬚等，兼顧血分，乃與案語

卷之二十一  
相合

○心悸初從驚恐得之。後來習以爲常。經年不愈。手振舌糙。脈芤帶滑。不耐煩勞。此係心血本虛。痰涎襲入也。

人參 元參 丹參 肉桂 天冬 麥冬 菖蒲

茯苓 茯神 當歸 遠志 五味 桔梗 半夏  
生地 橘紅 枳殼 柏仁 炙草 竹茹

原註此天王補心丹。合十味溫膽法也。心血本虧。補心丹主之。痰涎襲入。十味溫膽湯主之。

○溼熱生痰。留於手足。少陽之府。累及心包。心驚膽怯。性急善忘。多慮多思。舌苔濁膩。帶黃。胸脘內熱。清化爲

首。

黃連溫膽湯

加洋參

枇杷葉

原註舌苔濁膩帶黃。加入黃連一味。苦燥化溼。再加洋參補陰。枇杷葉清肺。想是火旺之體。肺液必虧。且以救二陳之過燥也。

○神蒙善忘。包絡之病爲多。然左寸脈息上浮。關部獨帶弦數。右寸與關小而帶弦。白苔滿布。大便久滯。肢體無力。倦怠嗜卧。脾經之溼痰。被肝火所衝激。累及心包也。

藿梗 黍參 於朮 半夏 陳皮 香附 砂仁

木香 沈香 遠志 枳殼 葛根 菖蒲 竹油

詒按此必兼有脹滿之候故方中多香燥和脾之品用葛根薑梗乃兼清暑溼之意

再診 痰因溼釀溼自脾生脾若健運則無溼以生痰所患善忘等證自可化爲烏有然則健脾一法在所必需矣

香砂六君子湯 加沙苑 遠志 穀芽

原註苔白便溏之力嗜卧皆脾倦見證故用健脾化溼法

○胃爲貯痰之器。上逆心包輕則胸悶重則神蒙。

導痰湯合溫膽湯

另白金丸

詒按此治痰蒙之正法也。在此證尙屬輕劑。

○曾經失血現在內熱吐痰夜來大驚脈象滑數陰虛  
挾痰所致。

十味溫膽湯 加麥冬 歸身

詒按陰虛挾痰之證用藥最難恰好。○十味溫膽  
湯卽溫膽湯去竹茹加參地棗仁遠志五味治寒  
涎沃脣膽寒肝熱心悸不寐。

脉證圖

○積飲成囊。

平陳湯

另丸茅朮一斤。芝麻半斤。棗肉丸如便血山梔湯下。

詒按此病不易除根煎丸兩方極爲熨帖特未識能奏膚功否。

○鼻血遺精。肺腎俱病。寒熱益汗。營衛並傷。必須大補爲是。無如脈息細弦。舌苔滿布。二便失調。飲食不舒。脾家又有溼痰爲患。先宜化溼健脾。再商補劑。

枳砂二陳湯

加烏梅

生薑

詒按方中烏梅一味似不入格。查醫通載二陳湯古方本有烏梅。取斂護胃陰之意。先生用此其意或在是乎。

○動則氣喘言則亦然。是下虛也。宜其俯仰不適矣。至於腕中拒按隱隱作疼。築築而跳。脈息中部太弦。必有溼熱痰濁交阻於胃。失下行爲順之常。未便獨以虛治。

川貝

陳皮

茯苓

白芍

牛膝

海蛇

荸薺

另水泛資生丸

詒按此必挾有痰飲。阻於中脘。宜從飲門用意。再診俯仰自如。漸通之兆。所見言動之氣喘。脘腹之

拒接已日輕一日。大妙事也。動氣攻築。獨不能除。且兼氣墜少腹。卧則可安。此則非胃氣之能降。而實脾氣之不升也。

香砂六君丸合雪羹 加神麴

另資生丸

詒按立論精當明了。惟用藥尚不甚得力。

欽定四庫全書

○年逾古稀。腎氣下虛。生痰犯肺。欬喘脈微。當與峻補。  
金水六君煎麥地橘夏苓草合生脈散 加桃肉

另入消長壽丸 腎氣丸

原註補命門之火以生土。清其生痰之原則。肺之  
欬喘白朮煎方。金水六君煎以治脾胃。生脈以養  
肺。桃肉以補命門。其奠安下焦之劑。另用丸藥常  
服。斟酌可謂盡善矣。

○氣喘痰升。胸痞足冷。是中下陽虛。氣不納而水泛也。  
已進腎氣湯。可以通鎮之法繼之。

旋覆代赭湯去薑。棗。合蘇子降氣湯去桂。前草。薑  
加薤白。車前。茯苓。枳殼。

詒按。於腎氣後續進此方。更加旋覆以鎮逆。薤白  
以通陽。用意極爲周到。

○交冬欬嗽素慣者也。今春未罷。延及夏間。當春已見踰腫。入夏更增腹滿。口燥舌剝。火升氣逆。右脈濡數。左脈浮弦。風邪溼熱由上而及下。由下而及中。卽經所云久欬不已。三焦受之。三焦欬狀。欬而腹滿是也。際此天之熱氣下行。小便更短。足部尚冷。其中宮本有痞象。亦從而和之爲患。用藥大爲棘手。姑擬質重開下法。佐以和胃泄肝之品。

猪苓 鷄金 白朮 石膏 寒水石 雪羹  
肉桂 枇杷葉

原註：風邪結於肺脾氣素虛者，由肺而陷入於

脾尚是一綫。加以口燥舌剝。陰虛有火之體。更屬難治。用河間甘露之意。質重開下方。則極妙。未識效否。

詒按。病情紛錯。實難著手。以桂苓法增減出之。已屬苦心經營。特於痞滿一層。尙恐與兩石有礙。方中茯苓滑石似不可少。

○寒熱後。欬嗽痰濃。頭疼口渴。舌紅脈數。大便溏泄。冬溫之邪。鬱於肺分。而從燥化。當泄之清之。

葳蕤湯

葳蕤石膏青木香  
葛根杏仁

原註。此冬溫欬嗽也。麻杏開泄外罩之涼風。羌活

葛根佐之。石膏清內伏之溫熱。白薇玉竹佐之。冬溫必頭痛便泄。青木香治便泄之藥也。病比傷寒多一溫字。方比麻黃去桂枝一味。加入石膏以治熱。有因方成珪遇圓爲璧之妙。

詒按此病旣見疫濃口渴。則已有邪鬱化熱之徵。方中羌防葛根似宜酌用。

○寒必傷營。亦必化熱。欬嗽不止。嘔吐紫血。咽中乾痛。苔白邊青。脈緊而數。近更甚。甚則嘔氣息短促。肺胃兩經皆失其清降也。鬱欬成勞。最爲可怕。

荆芥

杏仁

紫苑

桑皮

地骨皮

蘇子

麥冬 金沸草 玉竹

再診 白苔已薄。舌邊仍青。痰出雖稀。欬逆未止。觀其  
喘急嘔逆。多見於欬甚之時。正所謂肺欬之狀。欬而嘔。  
胃欬之狀。欬而嘔也。

桑皮 骨皮 知母 川貝 淡芩 浮石 桔梗  
甘草 紫苑 麥冬 蘆根 蒸菔汁

原註風寒之邪鬱於肺胃。久而化火。遂至見血。先  
用金沸草散。鴻白散。以搜剔其邪。第二案卽加入  
蘆根知母。清營中之熱。用法轉換。層次碧清。  
詰按此證先曾吐瘀。加以舌邊色青。似有瘀血鬱

卷之三十一  
方中何以並不理會及此。

○傷風不醒。欬嗽嘔惡。所見之痰。或薄或濃。或帶血色。左關脈獨見浮弦且數。小有寒熱。此損證之根也。千金法治之。

蘇葉　黨參　川連　烏梅　橘紅　川貝　柴胡  
杏仁　桑皮　地骨皮

原註。此用柴前連梅前。意千金法也。欬嗽由來十  
八般。只因邪氣入於肝。即是此方之歌訣。○此方  
效。轉方加竹茹一味。

詒按。弦數獨見於左關。故知其病專在肝。

○欬嗽吐出青黃之痰。項強惡風。音燥寒熱分爭。是名勞風。服秦艽鼈甲而更甚者。當進一層治之。

柴前連梅煎

柴胡前胡黃連烏梅薤白  
猪膽汁童便豬脊髓

附秦艽鼈甲煎

秦艽鼈甲地骨皮柴胡  
青蒿歸身知母烏梅

再診 進前方。欬嗽大減。所出之痰。仍見青黃之色。身熱雖輕。咽中苦痛。脈形弦細數。風邪未盡。中下兩虛。制小前方之外。參入猪膚法。一治身熱。一治咽痛。

柴前連梅煎合猪膚湯

加黨參

花粉

原註此方治傷風不醒成勞。比秦艽鼈甲又進一層。其見證每以欬吐黃綠青痰爲據。

○欬嗽時盛時衰。粉紅痰後變爲青黃。勞風之根也。

柴胡 前胡 烏梅 川連 蕤白 童便

猪膽汁 猪脊筋

詒按童便易秋石甚妙。

再診 進勞風法。欬嗽大減。紅痰亦無。但痰色尙帶青黃。左關脈息弦硬不和。肝膽留邪。容易犯肺胃。愈也。毋忽。

麥冬 沙參 淡芩 炙草 白芍 川貝 青黛  
廣皮

原註此方極玲瓏。先生用之每靈。大約風喜傷肝。

風鬱於肝久而不治必有青黃之痰所謂勞風是也

詣按先生案中治勞風一證必用柴前連梅煎自云法本于金用之神效查于金方所載勞風治法及所敍病原與此不同卽所用之柴前連梅煎僅見於吳鶴臯醫方考于金方中並無此方先生偶誤記耳

○右脈弦滑而數滑爲痰弦爲風風鬱爲熱熱鬱爲痰阻之於肺清肅不行欬嗽自作

金沸草 前胡 半夏 荆芥 甘草 赤荳

川芎 枳殼 紫苑 杏仁 桑白皮 薤皮  
竹瀝

原註方中芎枳二味是升降法也必有一團寒風化熱鬱閉於肺用芎之升枳之降以挑鬆其火若火重者不可用有陰火者更不可用恐火升則血易動耳

詒按此金沸草散去麻芍加芎枳以挑動之苑杏以宣泄之桑菊以清降之細玩其加減可識其心思之細密用意之周到矣案語亦簡鍊老潔

○晨起欬嗽勞倦傷脾積溼生痰所致久而不已氣喘

畏風。金水因此而虛。補中寓化。一定章程。現在身熱日乾苔白。脈息細弦而緊。緊則爲寒。寒風新感。必須先治新邪。權以疎化法。

香蘇飲合二陳 加枳殼 桔梗 杏仁 通草  
又接服方

麥門冬湯合二陳 加旋覆 冬朮 牛膝

詒按此卽六君加麥冬旋覆牛膝也。恰合脾虛有溼痰而傷及金水者之治。

○內經云秋傷於溼。冬生欬嗽。喻氏改作秋傷於燥。冬生欬嗽。豈知初秋之溼。本從夏令而來。原爲正氣。若論

其燥則在中秋以後。其氣亦爲正令。二者相因。理所固然。勢所必至。仲景早已立方。獨被飛疇看破。今人之用功。不如古人遠矣。

麥冬 半夏 甘草 玉竹 紫苑

瀉白散

原註此麥門冬湯也。先生以肺燥胃溼四字提之。故此案以燥溼二字爲言。

○去冬欬嗽。今春寒熱。至秋令而欬嗽。或輕或重。惟喉癢則一。所謂火逆上氣。咽喉不利。此等證是也。最易成勞。未可以脈求促。氣未喘爲足恃。

麥門冬湯合瀉白散 加橘紅 茯苓 甘草

王竹

再診。內熱已除。欬嗽亦減。氣火之逆上者漸有下降之意。靜養爲佳。

前方加枇杷葉

原註此病必有舌苔而不夜欬所以與四陰煎證有異。

○肺經欬嗽。嗽則喘息有音。甚則吐血。血已止。欬未除。右寸脈息浮弦。弦者痰飲也。良以飲食入胃。遊溢精氣。上輸於脾。脾氣散精。上歸於肺。而肺氣虛者不能通調水道。下輸膀胱。聚液爲痰。積溼爲飲。一俟誦讀煩勞。欬

而且嗽。自然作矣。補肺健脾以絕生痰之源。以清貯痰之器。

麥門冬湯合異功散 加薏仁 百合

原註此曲曲寫出痰飲之所由來。用二陳以化痰。佐以薏米。用麥冬以養肺。佐以百合。用白朮以健脾。佐以黨參。味切當製帖。看似尋常。實是功夫純熟之候。

詒按以上數案。均是麥門冬湯證。乃燥溼互用之法。

附錄欬嗽證治括要

欬者。和諧聲也。其音開口而出。彷彿亥字之音。故有聲無痰爲欬。嗽則如水之灌。漱然有物在喉。漾漾欲出。故從口從欬。後人遂以有痰爲嗽。然則欬嗽之病。胡從生也。曰。病有萬變。要不出內傷外感兩端。請先明外感外感者。風、寒、暑、溼、燥、火六者盡之。論其常。則各主一時爲病。論其變。則四時皆可以受六淫之邪。今則卽風寒論。感風者。鼻塞身重。惡風清涕。此證也。左脈浮弦。此脈也。感寒者。惡寒體痛。發熱脈緊。此寒之證與脈也。而風之中。又有辨。春則爲溫。風肝木用事。受風者必傷肝。而又

有中血中氣之別。風傷衛，則參蘇飲。風傷營，則芎蘇飲。夏則爲熱風，傷心包，而亦有涼熱之別。涼風香薷飲，熱風鷄蘇散。秋爲涼風，傷肺，敗毒散，金沸草散。冬爲寒風，傷膀胱，桂枝厚朴杏仁湯，麻黃湯。儻冬時天熱而感寒風，則當用葳蕤湯。陽旦湯此冬溫之邪也。惟秋分以後，少暑溼，春夏無燥氣。他如先傷風，而後傷熱，爲熱包寒，葳蕤湯。肺素熱而感寒風，爲寒包熱，金沸草散。一嗽而痰出稠黏者，脾溼勝。二陳之類，連嗽無痰者，肺燥甚，清燥救肺湯。此皆外感欬也。言風一端，而六氣可類推矣。若夫內傷大法，惟痰飲津傷兩種。痰飲多陽虛，津傷多

陰虛其陽虛痰飲尙淺者。六安二陳之類。有火者溫膽  
湯。夾陰虛者。金水六君煎。陽虛甚兼夾痰火。不可攻者。  
玉竹飲子鹹降法。喘者降氣湯。貞元飲。此陽虛痰飲一  
端也。他如陰虛者。陰火易於上升。胃氣不清者。麥門冬  
湯。曾見血者。四陰煎。痰多而濃無胃氣者。六君子湯。痰  
少而噏乾。胃氣未絕者。六味丸。都氣丸。八仙長壽丸。此  
粗舉內傷之一端也。此外又有勞風一門。欬吐濁涕。青  
黃之痰。由勞碌傷風。戀而不化。最爲難治。淺者秦艽龍  
甲。表虛汗多者。黃耆籠甲。深則柴前連梅煎。千金法也。  
此皆勞風之治也。至於芎枳二味。以治寒鬱化火之欬。

合二母以瀉肺之母。瀉白散以清泄肺藏。四物桔梗湯以引清血分。皆在所常用也。似此某證某方。條分縷析。須平日有指致功夫。試觀先生臨證之方。似乎夾雜含之病人之證。則無一味可以增減。先生嘗曰。吾門之病。如時文割截。隔章隔節之題。他人無處下手。左支右擗。余能以心思靈空。貫串合奏一方。令病安穩。此無他外感多與內傷同病。內傷每因外感而發。更遇雜藥亂投之。醫治絲而棼。愈難就緝。治此者不能不兼采衆方。就中另出一方。其立方之意。在案中宣露明白。噫。執此意以尋先生之門徑。思過半矣。

失血門

○飲食入胃游溢精氣上輸於脾。脾氣散精上歸於肺。通調水道下輸膀胱。水精四布五經並行合於四時。五藏陰陽揆度以爲常也。此乃飲歸於肺失其通調之用。飲食之飲變而爲痰飲之飲。痰飲之貯於肺也已非一日。今當火令又值天符相火加臨兩火相燦金病更甚於前。然則痰之或帶血或兼臭鼻之或乾無涕口之或苦且燥小水之不多大便之血沫何一非痰火爲患乎。

旋覆花 桑皮 川貝 橘紅 浮石 炙草  
沙參 茯苓 麥冬 竹葉 絲瓜絡

詣按此證乃素有濁痰鬱熱壅結熏蒸於內再受時令火邪薰灼肺胃所致如此立論似亦直捷了當何必用飲食入胃及天符相火如許大議論耶可參用葦莖湯

再診接閱手書知欬血夢遺畏火三者更甚於前因思天符之火行於夏時可謂火之淫矣即使肺金無病者亦必暗受其傷而况痰火久踞肺金久傷再受此外來之火而欲其清肅下降也難矣肺不下降則不能生腎水腎水不生則相火上炎此欬逆夢遺之所由來也至於畏火一條內經載在陽明脈解篇中是肝火乘胃

之。故法宜瀉肝清火。不但欬血夢遺畏火等證之急者  
可以速平。而且所患二便不通亦可從此而愈。懸而擬  
之。未識效否。

鮮生地  
蛤殼  
青黛  
桑皮  
龍膽草  
川貝  
地骨皮  
黑梔  
竹葉  
大黃鹽水炒

三診 陽明中土萬物所歸。現在肝經溼熱之邪。大半  
歸於陽明。以著順乘之意。而逆克於肺者。猶未盡平。所  
以睡醒之餘。每吐青黃綠痰。或帶血點。其色非紫卽紅。  
右脇隱隱作痛。脈形滑數。獨見肺胃兩部。宜從此立方。

小生地 桑皮 蛤羊角 阿膠 冬瓜子 薏米

蛤殼 川貝 杏仁 忍冬藤 青黛 功勞露

蘆根 絲瓜絡

原註。肝經久病。克於土者爲順。乘犯於肺者爲逆。  
克。

詒按。前方實做。不若此方之空靈活潑也。

四診。痰卽有形之火。火卽無形之痰。痰色漸和。血點漸少。知痰火暗消。大可望其病愈。不料悲傷於內。暑加於外。內外交迫。肺金又傷。傷則未盡之痰火。攻逆經絡。右偏隱隱作疼。旁及左脇。上及於肩。似乎病勢有加無已。細思此病。暑從外來。悲自內生。七情外感。萃於一身。

不得不用分頭而治之法。庶一舉而兩得焉。

桑皮 骨皮 知母 川貝 阿膠 枳殼

金針菜 薑黃 蒸豆衣 藕汁 佛手

原註痰火帶血點鼻乾口燥小水不多大便血沫總屬痰火爲患。第一方用清金化痰不效。○第二方案加欬血夢遺畏火三證歸於肝火。一派清肝略加養胃。○第三方從肺胃立方略佐清肝之意。○第四方全以輕淡之筆消暑化痰。

詒按統觀前後四案議病用藥均能層層熨帖。面周到於此道中自屬老手。惟所長者在乎周到。

穩實而所短者在乎空靈活潑此則固乎天分非

人力所能勉強矣○第一方就病敷衍毫無思路

○第二方清泄肝火力量頗大○第三四方則用

藥空靈不滯是深得香巖師心法者

○咳嗽而見臭痰絡血或夜不得眠或卧難着枕大便  
乾結白苔滿布時輕時重已病半年有餘所謂熱在上  
焦者因咳嗽爲肺痿是也左寸脈數而小正合脈數虛者  
爲肺痿之訣而右關一部不惟數疾而且獨大獨弦獨  
滑陽明胃經必有溼生痰痰生熱熏蒸於肺母病及子  
不獨肺金自病此所進之藥所以始效而終不效也夫

肺病屬虛。胃病屬實。一身而兼此虛實兩途之病。苟非接部就班。循循調治。必無向愈之期。

紫苑

一錢

麥冬

一錢

桑皮

半錢

地骨皮

半錢

阿膠

一錢

薏仁

五錢

忍冬藤

一兩

川貝

半錢

蛤殼

一錢

橘紅

半錢

茯苓

三錢

炙草

三分

詒按論病選藥。俱極精到。此方亦從葦莖湯套出。

可加蘆根。

再診 諸恙向安。右脈亦緩。藥能應手。何其速也。再守

之觀其動靜。

前方加水飛青黛三分。

三診 右關之大脈已除。弦滑未化。數之一字與寸相

同。溼熱痰三者尚有熏蒸之意。肺必難於自振。

前方加大生地

蛤粉炒  
三錢

沙參

三錢

蜜陳皮

一錢

四診。疊進張氏法。肺金熏蒸。日輕一日。金性漸剛。頗爲佳兆。然須振作。以著本來之清肅。乃可。

前方去薏米 加麻仁

五診。夜來之欬嗽。尚未了了。必得肺胃漸通。乃愈。

前方去蛤殼茯苓 加川斛 百合

六診。肺虛則易招風。偶然欬嗽加劇。而今愈矣。脈數右寸空大。陰氣必虛。自當養陰爲主。然陽明胃經溼熱熏蒸之氣。不能不兼理之。

前方去百合 加知母

七診 右脈小中帶數。肺陰不足。肺熱有餘。其所以致此者。仍由胃中之溼熱熏蒸出。

前方加絲瓜絡 冬瓜仁 豉薑

八診 肺屬金。金之母土也。胃土溼熱未清。上焦肺部焉得不受其熏蒸。所謂母病及子也。肺用在右。右胸當欬作疼。未便徒補。必使其清肅乃可。

前方加薏仁 杏仁

九診 來示已悉。因思動則生火。火刑於金則欬逆。火入於營則吐血。此十七日以後之病。失於清化。以致毛

寒又間。風邪又感。欬嗽大作。欲嘔清痰。血絡重傷也。事難逆料。信然。懸擬以覆。

桑皮 地骨皮 杏仁 甘草 淡芩 茅根

知母 川貝 薤莖 忍冬藤

兩劑後去淡芩 加麥冬 沙參 生地

丸方

大生地 白芍 丹皮 澤瀉 沙參 犀苓

山藥 麥冬 阿膠 用忍冬藤十斤煮膏蜜丸

原註此病道理盡具於第一案中。先生平日所言。起手立定根脚。以下遂如破竹。大約此病指足陽

火熏蒸四宇。方中得力。尤在忍冬藤一味。

○宿積黑血。從吐而出。胸之痞塞少和。肺之欬嗽略減。是瘀血也。從上出者爲逆。究非善狀。

瘀熱湯

旋降葱  
薑桃葉

參三七

磨沖

詒按可加酒炙大黃炭數分研末冲服以導血下行。

再診 所瘀之血。從下而行。尙屬順證。因勢導之。原是一定章程。

當歸

丹參

桃仁

靈脂

蒲黃

茯神

遠志

詒按仍宜加牛膝三七等導下之品。

○昨日所溢之血盈盆成塊而來無怪乎其厥矣幸得厥而卽醒夜半得寐其氣稍平今日仍然上吐脈來芤數火升顴紅欬逆時作大便不爽而黑陽明胃府必有伏熱防其再冒再厥

犀角地黃湯 加三七 牡蠣 龜板 桑杷露

詒接此與下條皆木火亢盛陰血沸騰之證

○久嗽失血鮮而且多脈數左弦苔黃心嘈金受火刑木寡於畏以致陽絡被傷也防冒

犀角地黃湯 加二母 側柏葉

另歸脾丸

原註吳鶴臯曰心火也肺金也火爲金之畏心移  
熱於肺乃欬嗽甚則吐血而赤名曰賊邪是方也。  
犀角能解心熱生地能涼心血丹皮芍藥性寒而  
酸寒則勝熱酸則入肝用之者以木能生火故使  
二物入肝而潤肝此拔本塞源之治。

○陽絡頻傷胸前窒塞欬逆不爽舌紅苔黃脈形弦數。  
此係瘀血內阻鬱而爲熱肺胃受傷極易成損慎之。

旋覆 猩降 葱管 薏根 枇杷葉 忍冬藤  
蘇子 桑皮 川貝 知母 廣鬱金 參三七  
竹油 地骨皮

原註前五味名瘀熱湯。是先生自製之方。治瘀血內阻化火刑金而欬不去其瘀病終不愈此爲先生獨得之秘。

詒按合二母渴白以清肺佐蘇鬱三七以通渾立方周到之至。

○脘脇痞結作痛形寒如瘡苔濁不納渴欲熱飲神情憊乏此血絡凝泣溼邪附之欲化熱而未能透出也。

瘀熱湯 加香附 川連 歸鬚 青皮 白芍

橘絡

○瘀血先阻於中一經補味胸中遂痞紫黑之血從此

而來

瘀熱湯 加鬱金汁

原註此方大效

詒按再加三七磨沖更妙

虛損門

○痧子之後。欬嗽四月。頸旁歷串。欬甚則嘔。納少形瘦。膚熱脈細。想是餘邪內戀。陰分大虛。欲成損證也。

四物湯 加香附 川貝 元參 牡蠣 麥冬

蘇子

蘇葉一本作

詒按方中元參牡蠣爲項癰而設。無此證者可減

也。

○溫邪發痧之後。欬嗽失血。血止而欬嗽不減。所吐之痰。或黃或白。或稠或稀。舌質深紅。其苔滿白。喉癢嗌乾。脈弦帶數。漸作痧勞之象。

四物湯 加紫蘇 桑皮 骨皮 川貝 知母  
前胡 淡芩

原註此痧後餘邪留戀營分而成欬也。先生嘗云。余自製兩方。一爲瘀熱湯。一爲此湯。尙未立名。以治痧後欬嗽極效。蓋四物是血分引經之藥。將溫散化痰之品納入其中。引入營血中。散邪清熱。每

川必靈此可悟用四物之法。

○欬嗽五月有餘黃昏爲甚。肌肉暗削。肢體無力。容易傷風。或頭脹。或溺黃。總由陰分下虛浮火夾痰上擾所致。

四物桔梗湯

四物加桔柏

加桑皮 地骨皮 川貝

知母

甘草 青黛 蛤殼 枇杷葉

原註此方之眼在欬嗽黃昏爲甚。畢竟風邪陷入陰分爲劇。余目睹效者甚多。

詒按此四物合漏白加二母蛤黛法也。

○金能克木。木火太旺。反侮肺金。金藏尙受木克。則其

吸取腎水疏泄腎精更屬易易此夢遺欬嗽之所由作也

天冬 生地 黨參 黃柏 甘草 砂仁 白芍

龍膽草

原註此三才封髓丹加白芍龍膽也其人面必黑瘦有一團陰火熾甚克肺傷腎用之極效

詒按此方以清泄肝火爲主竟不兼用肺藥所謂治病必求其本也

○子後欬嗽天明而緩脈形弦數聲音不揚肝膽之火未清金受其刑水必暗虧也

補肺阿膠湯合四陰煎鴻白散 加川貝 青黛

海浮石 桔紅 竹茹

詒按此與前案均屬木火刑金之證。前方治肝而  
絕不及肺。想因欬勢不甚而下注遺泄之證却急。  
故用藥如彼。此證則欬甚音低。肺金受損已深。故  
於清火之中偏重補肺。觀乎此而歸證用藥之權  
衡可識矣。

○欬嗽失血。音燥咽乾。近來小有寒熱。頭痛喉疼。脈浮  
促而數。肺陰久傷。又兼燥氣加臨。補肺之中。當參以辛  
散。

補肺阿膠湯 加桑葉 枇杷葉

再診 頭痛咽疼已止。寒熱亦輕。新受之燥邪漸得清散。無如金水兩虛。失血久嗽。音燥嗌乾等證。仍如損象。即使靜養。猶恐不及。

四陰煎合瀉白散 加川貝 杏仁 阿膠 茯苓  
石决明

原註此病肺藏已損。再受燥邪。小有寒熱。頭痛咽疼。是其的據。先用補肺阿膠湯。以其中有牛蒡杏仁。加桑葉。枇杷葉。去其燥邪外證。後用四陰煎加味。以圖其本。

○陽絡頻傷之後。欬嗽痰濃。內熱噦乾。脈芤數。左關獨弦。此肝火刑金。金氣不清之候。容易成損慎之。

四陰煎 加二母 羚羊

另瓊玉膏 地冬 參蜜流香珀

原註 肝火刑金。於左關獨弦見之。所以四陰更加羚羊。

○失血後。欬嗽夢遺。脈數。左關弦急。必有肝火在裏。既犯肺金。又泄腎氣也。久延勢必成勞。

四陰煎 加陳皮 川貝 海浮石 青黛

龍膽草 六味湯

原註肝火上下交征故加龍膽以泄之。

詒按六味湯想係轉方增入者但其中有萸肉之酸溫專補肝陽尚宜酌用。

○失血久欬陰分必虛虛則不耐蒸食西瓜而稍退脈數左弦唇乾苔白色滯溺黃加以咽痛久而不愈想是水不涵木陰火上衝胃氣不清也勢欲成勢早爲靜養以冀氣不加喘脈不加促庶幾可圖。

生地 白芍 茯苓 潤瀉 丹皮 花粉 元參

甘草 猪膚 青蒿露 枇杷葉露

再診濁痰雖少欬逆仍然陰分之火上衝於肺肺屬

至金受火刑。水之生源絕矣。能不慮其厥逆氣陽而生。命者自能靜以養之。

八仙長壽丸 加元參 阿膠 陳皮 甘草

枇杷葉露

三診 欽嗽夜來有或重或輕之象。想是陰火靜躁不同耳。

前方加洋參 龜板 杏仁

四診 所進飲食不化爲津液。而變爲痰涎。一俟水中火發。欽嗽作焉。權以化法。

玉竹飲子

王竹答草 桔梗 茄貝姜

合麥門冬湯 加阿膠

百合 欽冬

原註前兩方六味加減法也。脈數左弦咽痛水不涵木陰火上衝惟苔白二字爲胃氣不清之證。此病頭緒甚繁方中一一還他的對之藥。

詣按此等證本無必效之方似此斟酌妥帖即使難期必效亦覺心苦爲分明矣。

○脈形細數細屬陰虧數爲有火火上刑金水卽絕其生源未可以欬嗽小恙目之幸而氣息未喘脈象未促  
則能靜養猶可以作完人。

生地 麥冬 沙參 石決明 地骨皮 桑皮

阿膠 杷杷葉露

詒按此清滋金水兩藏之平劑。但患陰虛而不挾別項邪機者可仿此調之。

門生

趙樹誠  
徐綸

全校

評選繼志堂醫案下卷

江陰柳氏醫學叢書之六

江陰柳寶詒穀孫選評

及門諸子 參校

嘔吐門

○上焦吐者從乎氣。氣屬陽。是陽氣病也。胸爲陽位。陽位之陽既病。則其陰分之陽更屬大虛。不言而喻。恐增喘汗。

吳萸 乾薑 人參 川附 茯苓 半夏  
木香 丁香 炙草 飴糟 食鹽 陳皮

再診。進溫養法。四日不吐。今晨又作。想是陽氣大虛。  
濁陰上泛。究屬膈證之根。不能不慮其喘汗。

前方去乾薑 加當歸 生薑

原註。陽氣大虛。濁陰上泛。此病之樞紐也。吳茱萸  
湯補胃陽。佐以熟附丁。香溫之至矣。輔以二陳燥  
其痰。飴糟去其垢。更加炙草以和中。食鹽以潤下。  
用意極其周密。

○食則右脇下痛。痰自上升。升則得吐而安。右脈弦滑。  
左關堅急。寸部獨小。此心氣下鬱於肝經。脾弱生痰爲  
脇。放開懷抱。第一要義。

旋覆代赭湯去薑 加生於北 白芥子 炙草

廣皮 竹油

另丸方 六君子湯 加當歸 白芍 生地

旋覆 茲蓉 沈香 白芥子 竹油 薑汁泛丸

原註心氣下鬱。脾弱生痰。方中於北乾薑二陳竹油補脾化痰之藥也。更有白芥子消膜外之痰。旋覆花開心氣之結。赭石鎮肝氣之逆。用意層層都到。

○食則噎痛。吐去濁痰而止。胸前常悶。脈象絃滑。舌苔滿白。肌肉瘦削之人。陰血本虧。今陽氣又結。陰液與痰。到。

濁交阻上焦。是以胃脘狹窄也。久則防膈。

乾薑 薤白 炙草 杵頭棟 神麴 丁香

木香 熟地 白蔻仁 歸身 白芍 沈香

牛黃 竹油

再診 胸前所結之邪。原有化意。無如陰之虧。陽之結。  
尙與前日相等。非一兩劑所能奏效。

乾薑 薤白 炙草 茯苓 丁香 木香 陳皮  
麻仁 旋覆花 代赭石 歸身 白芍 杞子

牛黃 竹油

詒按。此氣結痰阻之證。用藥極周到。

○嗜酒中虛溼熱生痰。痰阻膈間食下不舒。時欲上泛。年已甲外營血內枯。氣火交結與痰相併。欲其不成膈也難矣。

七聖散 加歸身 白芍 薤白 代赭石

藕汁 紅花

原註嗜酒者必多溼熱。須用竹茹連翹。又易挾瘀。參入藕汁紅花薤白。辛而兼滑。又是一格。絕去溫熱剛燥之品。先生曰。惟善用溫藥者。不輕用溫藥。信然。

○向患偏枯於左。左屬血。血主濡之。此偏枯者。旣無血

以濡經絡。且無氣以調營衛。營衛就枯。久病成脈。然一飲一食。所吐之中。更有濁痰紫血。此所謂病偏枯者。原從血痺而來。初非實在枯槁也。勉擬方。

每日服人乳兩三次。間日服鷺血一二二次。

詒按偏枯已屬難治。更加以膈。愈難措手矣。方祇參參兩味。而潤液化瘀。通痺開結。面面都到。此非見理真切。而又達於通變者。不能有此切實靈動之方。愚意再增韭汁一味。似乎更覺親切。

○脈形細濶。得食則噎。胸前隱隱作痛。瘀血內阻。胃絡不通。此膈證之根。

歸鬚 白芍 白蜜 蘆根 瓦楞子 酒韭汁

人參 桃仁

詒按此瘀血膈也。脈證均合。用藥亦專注在此。  
○瘀血挾痰。阻於胸膈。食則作痛。痛則嘔吐。右脈濶數。  
惟左關獨大且弦。是瘀痰之外。更有肝經之氣火。從而  
和之爲患。乃膈證重候。慎之。

歸身 白芍 蘆根 瓦楞子 紅花 絲瓜絡  
橘絡 竹油 白蜜

原註以上三病皆瘀膈也。第一證從偏枯中想出  
血癥。用人乳以潤其枯燥。鶯血以動其瘀血。此證

非特剛劑不受。并柔補之藥亦不可投。萬不得已。  
而爲此法。仍是潤液化瘀之意。柔和得體。○第二  
證。從胸前隱痛。而知其瘀阻胃絡。用桃仁醋煅瓦  
楞子以化其瘀。此證血瘀液涸。無論乾薑不可用。  
卽薤白辛溫通氣。亦與此隔膜。然非辛不能通。計  
惟用濡潤之韭汁以通之。蜜蘆歸芍奠安營分。以  
其液潤也。此病不見瘀。所以純從濡潤去瘀之法。  
○第三證見瘀。所以瓦楞子紅花外。又加竹油一  
味。

○溼熱生痰。阻於胃脘。得食則噎。噎甚則吐。此膈根

也。

半夏 陳皮 川連 竹茹 白蔻 生薑

雞距子 枇杷葉 查炭

原註指爲溼熱想因苔帶黃色也用七聖散者中  
有橘皮竹茹湯又有溫膽湯兩方在內更加枇杷  
葉泄肺查炭消瘀雞距子消酒積總不外溼熱二  
字此猶是膈之法者

○食已即吐脈弦苔白便溏溺清溼痰內勝被肝經注  
氣所衝

旋覆花 代赭石 陳皮 半夏 萊菔子 生薑

卷之二  
茯苓 雪羹湯

再診 吐逆大減。胸前尙痞。噯氣不舒。

旋覆代赭湯 雪羹湯

詒按此證陰液未曾大虧。通陽開結。專理其痰。痰降而嘔逆自減。尙非證之重者。

○咽中介介。如有炙燭。痰氣交阻爲患。

蘇葉 半夏 川芎 茯苓 竹茹 陳皮

石決明 牛膝

原註此咽喉也。痰結於肺。用四七湯以理其氣。合溫膽湯以化其痰。去枳實換牛膝者。欲其達下焦。

也。

○得食多噦。許氏法主之。

丁香 陳皮 川朴 半夏 茯苓 甘草

枇杷葉 茅根

原註此枇杷葉散去香薷一味也。此另是一種暑邪。挾寒飲內停。或食瓜菓致中氣不調而嘔噦者。不當深求之裏也。去香薷者無表證也。

○食已即吐。本屬胃病。宜用溫通。然口雖乾苦。反白。將吐之時。其味先酸。此必有肝火鬱於胃府。似與胃家木病有關。

左金丸合溫膽湯

雪羹湯

詒按辨證精細用藥妥切

溼病門

○脾陽不足。溼濁有餘。少納多脹。舌白脈遲。

茅朮理中湯合四七湯

詒按此溼滯而兼氣鬱之證。

溼病門

○胸痛微背是名胸痺。痺者胸陽不曠。痰濁有餘也。此病不惟痰濁。且有瘀血。交阻膈間。所以得食梗痛。口燥不欲飲。便堅且黑。脈形細濶。昨日紫血從上吐出。究非

順境必得下行爲妥。

全瓜蔞 雜白 旋覆花 桃仁 紅花 瓦楞子

元明粉 合三陳湯

詒按方法周到不蔓不支擬加參三七磨沖○胸  
癆證前人無有指爲瘀血者如此證納食梗痛乃  
瘀血阻於胃口當歸入噎膈證內論治矣。

○心痛徹背是名胸痺久而不化適值燥氣加臨更增  
欬嗽咽乾痰中帶紅脈形細小治之不易。

瓜蔞 薤白 枳殼 檸紅 杏仁 桑葉

枇杷葉

詒按既因燥氣加臨，痰紅噬乾似當參用清潤如

喻氏法擬加旋覆花、南沙參、麥冬、桑皮。

脘腹痛門

○心痛有九。痰食氣居其三。三者交阻於胃時痛時止。或重或輕。中脘拒按。飲食失常。痞悶難開。大便不通。病之常也。卽有厥證。總不離乎痛極之時。茲乃反是。其厥也不發於痛極之時。而每於小便之餘。陡然而作。作則手足牽動。頭項強直。口目歪斜。似有厥而不返之形。及其返也。時有短長。如是者三矣。此名癥厥。良以精奪於前。痛傷於後。龍雷之火。挾痰涎乘勢上升。一身而兼痛

雨病。右脈不暢。左脈太弦。蓋弦則木乘土位而痛。又挾陰火上衝而厥。必當平木爲主。兼理中下次之。蓋恐厥之愈發愈勤。痛之不肯全平耳。

川椒

七粒

烏梅

三分

青鹽

一分

龍齒

三分

查炭

三錢

神麴

三錢

萊菔子

三錢

延胡

鐵半錢

川棟子

錢半錢

青皮

七分

橘葉

一錢

竹油

一兩

詒按。厥發於小解之時。其厥之關於腎氣可知矣。  
用藥似宜兼顧。○立方選藥。熨帖周到。

再診。據述厥已全平。痛猶未止。便黑溺黃。右脈反弦。想諸邪都合於胃也。胃爲府。以通爲補。懸擬方。

芍藥

青皮

陳皮

黑柏

川貝

丹皮

杏肉 竹油 萍菔子 青鹽 延胡

詒按諸邪都合於胃從右脈之弦看出是病機緊要處

三診 痛厥已平尚有背部隱疼之候。腰部亦疼氣逆欬喎。脈形細數。想肝腎陰虛氣滯火升肺俞絡脈因之俱受其傷也。

四物湯 旋覆花湯 二母 雪羹湯

四診 腰脊尙疼。欬喎不止。苔白底紅。脈形弦細。是陰虛而挾溼熱也。

豆卷 菟葵 黑棗 川芎 訣身 麥冬

沙參 甘草 雪羹湯 半夏

原註此素有痰積。又腎虛而相火上衝於胃。胃中痰飲阻滯。竅隧癟厥見焉。第一方用泄肝和胃法。以化其阻滯。合金鈴子散。以清肝火。加查麴以消食。菔子竹油以化痰。○厥平而痛未愈。故第二方用景岳化肝煎。以代金鈴子散。兼以化痰。○第三方通其絡。○第四方。仿白蒺藜丸。專於治痰。

詒按此證得力全在前兩方。疏肝化痰。絲絲入籠。○脾氣素虛。溼鬱難化。而木之鬱於內者。更不能伸。所以酸水酸味。雖有減時。而灰白之苔。終無化日。無怪乎

脈小左弦。脘脇脹痛也。此臌張之根。毋忽。

附子理中湯合二陳湯 加川朴 香附 川芎

神麴

詒按似可參用柴芍輩於土中泄木。

○病分氣血。不病於氣。卽病於血。然氣血亦有同病者。卽如此病。胃脘當心而痛。起於受飢。得食則緩。豈非氣分病乎。如獨氣分爲病。理其氣即可向安。而此痛雖得食而緩。午後則劇。黃昏則甚。屬在陽中之陰。陰中之陰之候。其爲血病無疑。况但頭汗出。便下紫色。脈形弦細而數。更屬血病見證。但此血又非氣虛不能攝血之血。

乃痛後所瘀者。瘀則宜消。虛則宜補。消補兼施。庶幾各得其所。

治中湯合失笑散

另紅花 元明粉 爲末和勻。每痛時服二錢。

原註分兩病。一。是脾虛氣分不能暢達而痛。得食則緩。宜補可知。然人每疑痛無補法者。以痛必有痰氣凝滯也。先生用理中以補脾。卽加青皮陳皮以通氣。至便紫脈弦數。肝家之血必有瘀於胃脘者。此時不去其有形之瘀滯。痛必不除。病根不拔也。此種病。世醫不能治。往往以爲痼疾。不知不

去瘀則補無力。徒去瘀則脾胃更傷。先生則雙管齊下。立案清澈。度盡金鉞。非名家惡能如是。

○胃脘當心而痛。少腹氣升。嘔吐酸苦痰涎。脈形弦數。顯係寒熱錯雜之邪。鬱於中焦。肝屬木。木乘土位。所有積飲。從此衝逆而上。病已年餘。當以和法。

附子理中湯 加川連薑汁炒 川椒 黃柏 歸身  
細辛 半夏 桂枝 烏梅肉

原註此連理湯合烏梅丸。吐涎酸苦。是胃中錯雜之邪。用姜連半夏以化之。逆衝而上之肝氣。用烏梅法以和之。

詒按半夏反附子。在古方多有同用者。然可避則  
避之。亦不必故犯也。

○胃脘當心而痛。脈形弦數。舌絳苔黃。口乾苦。小便赤。  
一派火熱之象。氣從少腹上衝於心。豈非上升之氣。自  
肝而出。中挾相火乎。

化肝煎

芍青梔澤丹陳貝

○腕痛下及於臍旁。及於脇口。乾心悸。便栗溺黃。脈弦  
而數。此鬱氣化火也。

化肝煎合雪羹

原註此景岳化肝煎也。必肝有實火者可用。口乾

脈數濁黃。是其的證也。

○中焦失治爲痛。以治中湯爲法。是正治也。不知中焦屬土。土既虛。不能升木。木卽鬱於土中。亦能作痛。以逍遙散佐之。更屬相宜。

治中湯   逍遙散   雪羹

詒按此木鬱土中之病。立方妥帖易施。

○瘀血腹痛。法宜消化。然爲日已久。脾營暗傷。又當兼補脾陰爲妥。

歸脾湯去耆朮   加丹參   延胡

詒按此病用補。是專在痛久上着眼。

○當臍脹痛。按之則輕。得食則減。脈形細小而數。舌上之苔。左黃右剝。其質深紅。中虛伏熱使然。

治中湯 加川連 雪羹

詒按此等證不多見。立方亦甚難。須看其用藥的當處。

○少腹久痛未痊。手足攣急而疼。舌苔灰濁。面色不華。脈象弦急。此寒溼與痰。內壅於肝經。而外攻於經絡也。現在四肢厥冷。宜以當歸四逆湯加減。

當歸小茴香炒 白芍肉桂炒 木通 半夏 茯苓 防風  
茯苓 橘紅

詒按寒溼入於肝經病與疝氣相似治法亦同。

再診 少腹之痛已止惟手冷攀急未愈專理上焦。

蠲痺湯

防羌姜黃歸  
蓍草赤芍

去防

合指迷茯苓丸

○少腹作痛甚則嘔吐脈右弦左緊俱兼數舌苔濁膩口中乾苦頭脹溺赤此溼熱之邪內犯肝經挾痰濁上升所致泄之化之得無厥逆之虞爲幸。

旋覆花湯

三子養親湯

蘇子白芥  
子萊菔子

金鈴子散

另烏梅丸

詒按旋覆金鈴以止痛三子以除痰更用烏梅丸以泄肝所以面面都到也。

再診。嘔吐已減。白苔稍化。頭脹身熱。亦緩。惟腹之佳。  
痛便之下利。脈之緊數。以及口中之乾苦。小水之短赤。  
尚不肯平。肝經寒熱錯雜之邪。又挾食滯痰濁爲患也。  
仍宜小心。

葛根黃芩黃連湯 加延胡 柴炭 赤苓

陳皮 菜菔子

另烏梅丸

詒按。想因下利較甚。故用藥如此轉換。

三診。餘邪流入下焦。少腹氣墜於肛門。大便泄。小便短。舌苔未淨。更兼痔痛。

四苓散合四逆散

加黃芩

黃柏

木香

詒按至此而內伏之溼熱從兩便而外泄矣。

○肝脈布於兩脇抵於少腹同時作痛肝病無疑肝旺必乘脾土土中之痰濁溼熱從而和之爲患勢所必然。

逍遙散

柴荷蒼朮歸芍草加桔梗

合化肝煎

詒按此治肝氣脇痛誠然合劑案所云溼熱痰濁雖能兼顧嫌未着力。

○氣結於左自下而盤之於上脹而且疼發則有形解則無跡甚則脈形弦數口舌乾燥更屬氣有餘便是火之見證急須化肝。

化肝煎

詒接凡肝氣上逆者多挾木火爲病故化肝煎爲要方

○中脘屬胃兩脇屬肝。痛在於此忽來忽去。肝胃之氣滯顯然已歷二十餘年。愈發愈虛。愈虛愈痛。氣分固滯血亦因之乾澀也。推氣爲主。逍遙佐之。

肉桂 枳殼 片姜黃 延胡 炙草 逍遙散

再診 痘勢不增不減。診得左脈細滯。右部小弱。氣血久虛。致使營衛失流行之象。非大建其中不可。

肉桂 歸身 白芍 川椒 餡糖 乾薑

卷之二十一 脾腹痛  
古惜餘小舍

卷一  
陳皮 炙草 砂仁

原註前方嚴氏推氣散也。先生謂左脇作痛是肝火用抑。即左金以瀉心平木。右脇作痛是痰氣用

推氣法以理氣化痰。○按姜黃入脾能治血中之氣。蓬朮入肝能治氣中之血。鬱金入心專治心胞之血三物形狀相近而功用各有所宜。

詒按久病中虛改轉方用大建中法。

○腹左氣攻脹痛上至於脘下及少腹久而不愈疝瘕之累也。痛極之時手足厥冷嘔逆當從肝治。

當歸四逆湯

歸桂芍草辛通薑棗

合二陳湯

吳仙散

尖萸茯苓

詒按病偏於左更加支厥此肝病確據也。

再診 痛勢已緩尚有時上時下之形邪未盡也。

吳仙散合良附散 一陳湯 去甘草

加當歸小茴香炒白芍肉桂炒

疝氣門

○狐疝臥則入腹立則出也。

補中益氣湯

另金匱腎氣丸合小安腎丸

香附川烏茴香  
椒目川棟熟地

原註疝氣一證論其本未有不由氣虛而溼濁隨之下陷者故以補中益氣湯爲主方俾脾之清氣

得以上升。則小腸膀胱之濁氣自然下降。又有挾勞倦外感而發者。方中柴胡借用亦妙。寒加溫藥。溼火甚加知藥。

詒接此因下墜過甚。故用補中以升清氣。其實亦非治疝正法也。

○脾宜升主健。胃宜降主和。此病氣升而嘔。胃不降也。疝氣下墜。脾不升也。而所以升降不調者。由脾虛下陷。溼痰中結。而衝逆於胃脘也。理其中陽。則上下自調。

六君子湯 加乾姜 青皮 小茴香 草薢

九香蟲

詒按此因嘔吐有上逆之勢。故不用補中而變法治之。

又按此證若用烏梅丸。則上下均在治中。緣痛嘔病氣。均由肝病發也。

再診 治中胃痛已和。病氣仍然下墜。擬於補脾之外。佐以補腎。使其火土合德。則陽旺於中。而生氣勃然。不升自升矣。

香砂六君丸合金匱腎氣丸

詒按此證從肝經着意。似較靈動。專補脾胃。猶恐涉於呆實。

○狐疝原屬肝經之溼。隨氣下降。脾陽必衰。而今夏多食冷物。陽氣又被所遏。苔白不乾。指冷脈小。右擎丸服大。當以溫散。

大順散

乾薑肉桂杏仁甘草

加當歸

木香

荔枝核

詣按此因生冷傷中。故用大順。亦非治疝正法。

腹瀉

○寒氣客於腸外。與血沫相搏。膚下結瘕。脹大下墜。不時作痛。痛則氣升。自汗。脈形弦濶。此爲鼓脹之根。毋忽。  
吳萸 茯苓 當歸 川棟子 橘紅 烏藥  
香附 薑肉

詒按既因於寒。似可再加溫通之品。既與血沫相搏。似宜兼和營血。

○癥聚膀胱久而不化。變爲攻痛升逆。妨食便堅。理之不易。

川棟子 延胡 當歸 白芍 陳皮 鱷甲

紅花 血餘 茵苓 牛膝 丹皮

詒按此病之偏於血分者。故方中兼用疏瘀之品。特所敘病情。尙無瘀血的據。

○最虛之處。便是容邪之處。肝絡本虛。隱癖久踞中宮。又弱。隱癖潛入其間。欲治此病。培補肝脾爲主。和化次

之。

歸芍六君子湯 加雞內金

另小溫中丸

詒按此亦虛實兼治之法。然而收效甚難。

○脈來細而附骨者積也。已經半載不過氣行作響而已。而其偏於脇下者牢不可破。是寒食挾痰阻結於氣分也。此等見證每爲脹病之根。

理中湯 加神麴 茯苓 半夏 陳皮 麥芽  
旋覆花 枳殼 歸身

再診 脳下隱癖牢不可破。其氣或逆或攻。必溫化以

絕脹病之根。

理中湯合二陳湯

加川朴

枳殼

神麴

竹油

旋覆花

白芥子

詒按、議論則見微知著。用藥則思患豫防。此爲高

識。

○食入而痛。是有積也。積非一端。就脈弦數。二便黃熱。乾歎不爽。面黃苔白。言之必有溼熱痰食。互相阻滯。經年累月。無路可出。無力以消。

茅朮

川芎

查炭

神麴

川貝

山梔

赤苓

枇杷葉露

杏仁

詒按此越鞠丸加味也。愚意再加白芍枳實。

○寒熱後脫左隱癖作疼。脈形弦細。舌苔濁厚。溼熱痰食交相爲患。

二陳湯去甘草

合雞金散

砂沈陳  
雞香圓加蘇梗

查肉

青皮

詒按此尚是初起實證。故用攻消法取效。立方亦極平穩。

再診 脫左之隱癖漸消。舌上之濁苔漸化。仍宗前法。參入補脾之品。

前方去蘇梗

加於朮

炙草

另服水泛資生丸

○隱癖踞於胞下。肝經病也。

化肝煎

詒按此亦初起之病。想由肝鬱而起。故專從泄肝立法。但恐藥輕不能奏效耳。

原註前證溼熱居多。此證肝火爲重。相機而治。各有條理。

○瘡久邪深入絡。結爲瘡母。瘡母在左。自下攻逆。加以右脇結癧。上下升降俱塞。無怪乎中宮漸滿。理之不易。

雞金散 加枳殼 薑黃 白芥子 竹油

另鼈甲煎丸

原註。左屬血。右屬肝。瘡邪滯於血中。主以鼈甲煎丸。右屬氣屬胃。或痰或食。主以雞金推氣。加竹油白芥子。

詒按。此兩層兼治之法。

腫脹問

○營血本虛。肝火本旺。責在先天。乃後天脾氣不健。肝木乘之所進飲食。生痰生溼。貯之於胃。尚可從嘔而出。相安無事。遲之又久。滲入膜外。氣道不清。脹乃作焉。脾胃爲生痰之源。胃爲貯痰之器。若非運化中宮。兼透膜外。

則病勢有加無已。成爲臓病。亦屬易易。夫脾統血。肝藏  
血。病久血更衰少。不得不佐以和養。古人之燥溼互用。  
正爲此等證設也。

歸芍六君子湯去參草。加白芥子。萊菔子。

車前子

川樸

蘇子

腹皮

竹油

雪羹

詒按。用藥虛實兼到。親切不浮。

○諸腹脹大。皆屬於熱。諸溼腫滿。皆屬於脾。脾經溼熱。  
交阻於中。先滿後見腫脹。膚熱微汗。口渴面紅。理之不  
易。

防已 茯苓 石膏 腹皮 陳皮

再診 溼熱滿三焦。每多腫脹之患。如邪勢偏於下焦。小便必少。前人之質重開下者。原爲此等證而設。然此病已久。尙盛於中上二焦。胡以中上兩焦法施之。諸恙不減。或者病重藥輕之故。將前方制大其劑。

竹葉 石膏 鮮生地 麥冬 知母 半夏  
五皮飲

原註此十二歲女子。腹聚脹大。而跗俱腫。面紅口渴。小便黃。此證屬熱。所見甚少。

詒接此等方治脹病。非有卓見者不能存之爲臨證者。增一見解。

○腕腹膨脹。二便失調。經絡疫癆。四肢無力。脈形弦細。  
舌苔白膩而厚。此溼邪內鬱。當用苦辛宣泄。

茅朮

川芎

香附

黑梔

神麴

腹皮

川樸

赤苓

澤瀉

薑皮

詒接。此亦溼鬱而化熱者。故兼用梔薑清泄之品。  
再診。諸恙向安。肢體無力。健脾爲主。

香砂六君子湯

原註。此越鞠改方。而加胃苓之半。本方治溼鬱。其  
眼在舌苔白膩而厚。在所必效。余每借以治黃疸。  
亦效。挾痰頭項痛亦效。

○脾主溼。溼因脾虛而鬱。鬱蒸爲熱。所以隱癖僭逆中宮。大腹脹滿。納少便溏。面黃溺赤。欬嗽身熱時作。脈息弦細。極易成癇。

越鞠丸

附蒼芎  
翹梔

雞金散

加赤芍

青蒿

黃芩

川樸

原註此越鞠證而兼隱癖。溼化熱者。故合雞金消癖。芩蒿化熱。

原註以上越鞠九證。大約越鞠治無形溼熱之痞。從渴心化出。雞金治有形食積之癖。從陷胸化出。且如腕痛門中。鬱痰作痛。脈數多渴者。用清中蠲

痛湯

山楂薑汁炒乾薑川芎童便浸切麻油炒香月餅炒神曲薑汁

炒橘紅薑

火鬱作痛發卽寒熱中以寒熱爲主卽越鞠加薑

連橘棗可知此方治氣火溼食血五者之鬱信極妙矣說者以梔主火梔主溼香附主氣芎主血麴主食分爲五鬱似可不必正如五音必合奏而始和也

○大腹脹滿已經四十餘日近來氣更急促足跗浮腫溺黃口乾脈形弦數溼熱之邪因氣而阻因食而劇理之不易

廓清飲

廓清飲用芥陳枳澤茯苓同大腹去芥枳

菔子生研壅滯通氣遂脹滿均堪服

小舌

加黑梔 猪苓 蘇梗 川連 香附

原註溫藥留手處。在口乾渴黃四字。

○脾虛則溼熱內鬱爲臌。從去鬱陳莝例治之。

廩清飲去芥 加蘇葉 香附 冬朮

另小溫中丸。朝暮各錢半。

詒按腹滿由於脾之不運。其所以不能運者。痰也。溼也。濁也。氣也。瘀也。故方中多用疏氣化痰。清利溼熱之品。

○大腹主脾。腹大而至脅窪。屬脾無疑。然脹無虛日。痛又間作。舌苔薄白。脈息沈弦。見於經期落後之體。顯係

血虛不能歛氣。氣鬱於中。寒加於外。而脾經之溼。因而  
不消。

逍遙散合雞金散 加香附

詒按沈弦與沈細不同。沈細色萎。則理中證。此證拈住鬱字。故用逍遙。

○單腹脹。脾氣固虛。久則氣亦虛。大便溏者。氣更散而不收矣。所用之藥。比之尋常溫補脾腎者。當更進一步。然用之已晚。惜乎。

附桂理中湯 加肉桂 答蹄 牡蠣 木瓜

茯苓 生脈散

詒按案云較之尋常溫補更進一層觀方中所加  
肉果當歸是啟峻法也

○大腹脹滿便溏舌苔冷白乾喜熱飲膚熱脈數脾陽  
大虛無力運化溼濁而成臌也理之棘手

附桂治中湯 加木瓜 草果 當歸

再診 進溫補四劑腹脹漸和其邪從下焦而泄所以  
大便作瀉然膚熱未退小便未長乾欲熱飲胃不思穀  
白苔已薄舌質轉紅中陽稍振溼熱未清

理苓湯

原註舌苔冷白是桂附把柄四劑而能便泄邪從

下出中陽尚好。脾氣尙未衰盡。更以舌質轉紅知溼熱壅甚。所以轉方減去附桂。參朮已足扶脾。外加四苓驅溼而已。

○大便作瀉。小水又長。肝脾腎三經。卽有陰邪。亦可從此而消。何以隱癖尙踞於中。腹脹不和。是陽虛也。

四君子湯 加黃耆 當歸 桂枝 附子 陳皮

肉果 沈香 乾薑 牡蠣 髭甲 雞內金

原註此啟峻湯也。附子理中加黃耆當歸肉果。比

附子理中更進一層。

○太陰腹滿寒溼有餘。真陽不足。脈弦下體不溫。乾不

欲飲妨食氣短。其勢頗險。擬以溫通化溼法。

附子茅朮治中湯 加川樸 半夏

詒按此亦通補兼施之法。

○溫補元陽。浮腫脹滿。有增無減。陽之衰也極矣。膀平  
脈遲之候。非溫不可。非補亦不可。然溫補亦不見長。蓋  
下泄者。腎更傷耳。

附子理中湯合四神丸 來復丹

詒按此法較腎氣丸更進一層。

○太陰腹滿。寒溼使然。陽若不旺。勢必成臌。

附子理中湯 加川樸 大腹皮 潤瀉 猪苓

詒按此脾陽不振。寒溼停滯之證。故用溫化法。

○中滿者。潤之於內。其始非不速消。其後攻之。不消矣。其後再攻之。如鐵石矣。此病雖不至如鐵石。而正氣久傷。終非易事也。

治中湯 五苓散

原註以上皆理中加減法也。因記當年侍先生時。問理中之變換如何。曰理中是足太陰極妙之方。如以中宮之陽氣不舒。用乾薑者。取其守。少腹之陽氣下陷。用炮薑者。取其散。大便之瀉與不瀉。溼甚而無汗者。用茅朮。溼輕而中虛者。用

冬尤其變換在舌苔之濁與不濁。此本方之變換也。設脾家當用理中。而胃家有火。則古人早定連理一方矣。設氣機塞滯。古人早定治中一方矣。設脾家當用理中。而其人真陰虧者。景岳早有理陰煎矣。其腎中真陽衰者。加附子固然矣。其衰之甚者。古人又有啟峻一方矣。此外加木瓜則名和中。必兼肝病。枳實茯苓。治胃虛挾食。古人成方。苟能方方如此用法。何患不成名醫哉。因附錄之。以爲用理中之法。

○諸溼腫滿。皆屬於脾。因勞倦所傷。內溼與外溼合而

爲鬱於土中致太陰之氣化不行治病必求其本先以實脾法。

川附子。於朮。茯苓。陳皮。草果。大腹皮。

烏藥。木瓜。澤瀉。

詒按案云實脾而方中仍屬溫通之品此非實脾正法也。

○初起痞滿繼增腹脹臍突筋露足跗浮腫大便溏泄此溼熱內壅中虛不化勢從下走也用藥最爲棘手且從口苦舌紅小便短赤立方。

桂心。茯苓。猪苓。白朮。澤瀉。石膏。

寒水石 滑石

詒按此河間甘露飲也。用五苓以降溼。三石以清熱。

○欬而腹滿。經所謂三焦欬也。苔黃乾苦。卧難着枕。肢冷陽縮。股痛囊腫。便溏溺短。種種見證。都屬風邪溼熱。滿布三焦。無路可出。是實證也。未可與虛滿者同日而語。

桑皮 骨皮 荸皮 蕤皮 大腹皮 薑皮

防已 杏仁 蘇子 莢蔞子 車前子

詒按溼熱壅盛。脾不輸運。肺不肅降。故立方專用

疏化仿五皮五子法。

○中陽不足。寒溼有餘。膀宿納少。舌白便溏。脈細小。法當溫化。卽平爲妙。

茅朮理苓湯 加大腹皮 雞內金 葛花 川樸

再診 温化不足以消脹滿。陽之虛也甚矣。重其制以

濟之。

茅朮

錢半

川附

錢半

乾薑

錢半

黨參

錢三

肉桂

七分

防風

二錢

茯苓

錢三

五茄皮

錢三

陳皮

一錢

三診

諸恙向安。仍守前法。以祛留溼。

川附

錢一

桂枝

錢一

黨參

錢三

生於朮

錢七分

茯苓

四分

錢半

詒按茅朮改於朮。想重濁之白苔已化也。○此證純以溫化得效。所謂陽運則溼自化也。

○隱癖日久。散而爲腋。所以左脇有形作痛。大腹漸滿。便出紅色垢積。更兼腕中因食而痛。久吐痰涎帶瘀。元氣益虛。竟有不克支持之象。收散兩難。洵屬棘手。

香圓皮  
人中白  
桃仁泥  
雞內金  
炙鱉甲  
射干  
牡蠣  
川貝母  
陳皮  
砂仁  
雪羹

詒按別錄謂射干治老血作痛。

再診 大便之紅積已除。胃中之痰涎仍泛。大腹之脹滿如此。何堪磨耐。

前方去陳貝

加瓦楞子

延胡

丹參

鮮藕

原註此癥散成臌。上下見血。分明有瘀。消瘀消癥。

一定之理。無如此證。元氣大虧。不任攻消。又不可補。乃組織此化瘀化癥。不甚尅伐之方。病雖減半。  
究屬難痊。

○素有隱癖。肝脾之不調可知。去年血痢於下。病結於中。久未向愈。大腹脹滿。潮赤舌黃。脈形弦細而數。溼熱內聚。脾虛無力以消。極易成臌。毋忽。

歸芍異功散 加川連 川樸

木香

另枳實消痞丸 小溫中丸

詒按立方穩實。惟歸芍異功似嫌補多消少。

○脹者皆在藏府之外。此病之脹不從腹起。自足跗先腫而後至腹。是由下以及上。因脾虛不能運溼。溼趨於下。尚在本經。腫脹及中。又屬犯本也。腫脹之處。按之如石。陽氣大傷。理之棘手。

附桂治中湯 加肉果 當歸 防己 牛膝

另腎氣丸

詒按方中防已外無治溼之品。據證情論似當兼參滲利。

○隱癖僭逆中宮。膚雖未突。青筋漸露。勢欲散而爲厥。

况大便時滯時結。脾氣久虛。更屬棘手。擬以攻補兼施  
法。

枳實消痞丸

枳連梗北夏苓參蘿夢芽草

加雞內金

當歸

鱗甲 白芍 牡蠣

詒按此已成脹病矣。而中宮先虛。又難攻克。此等證最費經營。而又最難得效。

頭痛門

○頭痛取少陽。陽明主治。是爲正法。卽有前後之別。不過分手足而已。

石膏 竹葉 生地 知母 甘菊 丹皮

黑梔 橘紅 赤芩 桑葉 蔓荆子 天麻

詒按此頭痛之偏於風火者故用藥專重清泄一面。

○脈弦數大苔厚中黃頭痛及旁陽明溼熱挾膽經風陽上逆也。

大川芎湯川芎  
天麻合茶酒調散芷草  
羌荊  
防薄二陳湯

加首烏 歸身 白芍

詒按此亦少陽陽明兩經之病但風陽既已上逆似當參用清熄之意乃合芎、辛、羌、芷未免偏於升動矣。

○高嶺之上惟風可到。到則百會腫疼且熱。良以陰虛之體。陰中陽氣每易隨之上越耳。

生地　歸身　白芍　羚羊角　石決明　煨天麻  
甘菊　黑梔　丹皮　刺蒺藜

詒按此陰虛而風陽上越者。故用藥以滋熄爲主。

肢體痛門

○肝居人左。左脇不時攻痛甚則厥逆。左關沈小帶弦。是肝氣鬱而不升也。右脈絃滑舌苔薄白喜飲熱湯又有溼痰內阻當兼治之。

推氣散合二陳湯

詒按用推氣散以疏肝鬱合二陳湯以治溼痰竟如兩扇題作法。

○脈沈弦滑。腿骱刺痛。腰部痠疼。背脊作响。諸節亦然。舌苔白濁。風溼痰三者着於肝腎之絡也。

肝着湯合腎着湯荅尤蘆草桂枝湯

詒按此證病在於絡。當從經絡着意。

遺稿門

○腎者主封藏之本。精之處也。精之所以能安其處者。全在腎氣充足。封藏乃不失其職。虛者反是。增出脛瘦。體倦。口苦。耳鳴。便堅等證。亦勢所必然。然左尺之脈。

浮而不靜。固由腎氣下虛。而關部獨弦。獨大。獨數。舌苔黃燥。厥陰肝藏。又有溼熱助其相火。火動乎中。必搖其精。所謂肝主疏泄也。虛則補之。未始不美。而實則瀉之。亦此證最要之義。

天冬 生地 黨參 黃柏 炙草 砂仁

龍膽草 山梔 柴胡

詒按此三才封髓丹加膽梔柴胡方與案若合符

節。

再診 大便暢行。口中乾苦亦愈。左關之脈大者亦小。惟弦數仍然。尺亦未靜。可以前方增損。

三才封髓丹 加茯神 龍膽草 柏子仁

三診 久積之溼熱。下從大便而泄。然久病之體。脾胃元氣內虧。又不宜再瀉。當以守中法。

異功散 加白芍 荷葉蒂 穀米

四診 大便已和。脈形弦數。數爲有火。弦主乎肝。肝經既有伏火。不但順乘陽明。而且容易搖精。精雖四日未動。究須小心。

三才封髓丹 加陳皮 白芍

另猪肚丸

苦參白朮  
牡蠣猪肚

原註此證拈定左關獨大獨弦獨數。所以重用膽

革裏施。直折其肝家移火。俾淫熱之邪。從大便而

出。

○金本制木。今木火太旺。反侮肺金。肺金尙受其克。則其吸取腎水。疏泄腎精。更屬易易。此夢泄欬嗽之所由來也。

二不封髓丹

加白芍

龍膽草

再診。接來札。知所言夢遺者。有夢而遺者也。比之無夢者。大有分別。無夢爲虛。有夢爲實。就左脈弦數而論。弦主肝。數主熱。熱伏肝家。動而不靜。勢必搖精耗腎。之封藏不固。由肝之疏泄太過耳。

三才封髓丹

加牡蠣

龍膽草

青鹽

三診。疊進封髓祕元。而仍不主數。細診脈息。左關獨見沈弦。且數肝經之疏泄顯然。

葛薢分清飲

葛薢草烏藥  
益智青鹽

去葛合三才封髓丹

加龍膽草

四診。病已大減。仍守前法。

前方加白芍

原註。病根。萆薢瞿麥而大減。是溼重於火也。

詣按。首案。遺泄欬嗽並提。方凡四易。而未曾有一味顧及欬嗽。想以肝火爲本。治其本而標病可置。

之耳。

○夢中遺泄久而無夢亦遺。加以溺後漏精。近日無精而小水之淋漓而下者。亦如漏精之狀。始而氣虛不能攝精。繼而精虛不能化氣。

三才封髓丹 加蛤粉 芡實 金櫻子

詒按此腎中精氣兩損之證。再合腎氣聚精等法。較似精密。

○曾經失血。現在遺精。精血暗傷。當臍之動氣攻築。漫無愈期。肢體從此脫力。語言從此輕微。飲食從此減少。無怪乎脈息芤而無神也。病情如此。虛已甚矣。而舌苔

厥濁中宮又有溼邪治須兼理。

杞子 熟地 茄實 查炭 石蓮子 當歸

茯苓 金櫻子 遵須

另清暑益氣湯去北瀉草

原註此九龍丹也吳鶴臯云主治精濁

再診 前方小效小變其制

九龍丹 加於朮 半夏 茯苓 陳皮 五倍子

煎送威喜丸

詰按陰虛而挾溼邪最難用藥須看其兩面照顧

處

○白濁久而不痊。以致腎失封藏。夢遺更甚。少寐少納。  
面瘦脈小。

九龍丹合天王補心丹

另猪肚丸

原註膏淋有便濁精濁兩種。便濁是胃中溼熱滲入膀胱。與腎絕無相干。精濁牽絲黏膩。不溺亦有。是腎虛淫火易動。精離其位。漸瀆而出。治宜滋腎清心健脾固脫。○九龍丹方中。杞地歸滋陰以制陽。櫻蓮芡濬以固脫。石蓮子苦寒清心。心清則火不熾。白茯苓甘平益土。以制腎邪。尤妙在山楂一。

味能消陰分之障。○前一案氣虛挾溼熱故合清暑益氣後一案心火挾溼熱故合補心猪肚。

○氣虛不能攝精精虛不能化氣所進飲食徒增痰溼。六君子湯 加免絲餅 炮薑炭 菖菜子

原註純從脾藏氣虛立案。

詒按案語簡潔老當方亦周到。

不便問

○陰虛之體心火下鬱於小腸傳入膀胱之府尿中帶血時作時止左脈沈數小水不利。

生地 木通 甘草 竹葉 火府丹

另大補陰丸

詒按此用導赤散合火府丹以清心火卽用大補陰丸以滋陰虛實兼到。

○經曰胞移熱於膀胱則癃溺血又曰水液渾濁皆屬於熱又曰小腸有熱者其人必痔具此三病於一身若不以涼血之品急清其熱遷延日久必有性命之憂。

導赤散合火府丹加燈心

又丸方

固本丸合大補陰丸

猪脊髓丸

加萆薢

詒按火甚者陰必傷火清之後隨進丸藥以滋其陰。

○膏淋血淋同病。未有不因乎虛。亦未有不因乎熱者。熱如化盡。則膏淋之物必且下而不痛。始可獨責乎虛。

大補陰丸 加瓜萎 瞿麥 牛膝 血餘

詒按議論雋爽。方亦切實。

再診 所下之淋薄且少矣。而當便之時。尙屬不利。既便之後。反覺隱痛。肢膝不溫。脈小弦。唇紅嗌乾。熱未全消。虛已漸著。

瓜萎瞿麥去附湯 加麥冬 草薢 黑梔

猪脊筋

詒按便後隱疼。膝冷咽乾。皆虛象也。似當兼用滋

養

○曾患淋證。小便本難。近來變爲癃閉。少腹硬滿。小便腫脹。苔白不渴。脈小而沈。下焦溼熱。被外寒所遏。膀胱氣化不行。最爲急證。恐其喘汗。

肉桂五分散 加木香 烏藥 枳殼

另葱一把麝香三厘搗餅貼臍

詒按此溫通法也。惟由淋變癃。氣分必虛。補中腎氣等法。亦可隨宜佐用。

泄渴門

○飧泄不由平胃滯。卽係乎陽弱。此乃兼而有之。脈遲

噯腐脫痛

附子理中湯合二陳湯 加川樸 吳萸 防風

詒按：噯腐脫痛，食滯頗重，擬去二陳，加神麴砂仁

菔子。

○下利轉瀉，腎病傳脾，脾因虛而受邪，溫化爲宜。

理中湯合四苓散 加陳皮 防風 伏龍肝

詒按：由利轉瀉，或有因溼邪未淨者，方中用四苓

伏龍肝卽此意否。

○發熱之餘，腹痛便溏，表邪下陷也。

小柴胡湯 加白芍 木香 伏苓 澤瀉

詒接此時邪下陷之證

太便門

○脾虛不能化溼焉能統血。血雜於水溼之中。下注不止。

茅朮 地榆皮 槐花炭 鐵金

再診 無毒治病不必愈半而不取也。仍服原方可耳。

原註此茅朮地榆湯其人便血挾水而下已及半載人不困憊而面黃大約溼熱有餘之體此病兩

帖愈半四帖全愈。

詒按審證的確用藥精當有以匙勘鑰之妙。

○腸澼便血時重時輕或痛或否脈形細小飲食少此虛也恐增浮喘

歸脾湯 加薺菜花 荷葉 粳米

詒按此補脾攝血之正法也。稍加和胃之品如廣皮砂仁輩更爲周密。

○便血之前先見盜汗盜汗之來由於寒熱寒熱雖已而盜汗便血之證不除脈小而數氣陰兩虛之病也。

歸脾湯去桂圓 加丹皮 山梔 地榆 桑葉

詒按此證營分中必有留熱宜於清營一邊着意但顧其虛猶未周到。

○陰絡傷則血內溢爲日已久陰分固傷陽分亦弱而身中素有之溼熱仍未清楚恐增浮喘。

大熟地 伏龍肝 阿膠 白朮 赤小豆 附子

黃芩 紫草 當歸 地榆炭 烏梅肉

詎按此金匱黃土湯加味陰陽並治而兼清溼熱  
立方頗爲周到。

○溼熱傷營腹臍便血久而不愈左脈細濶右趺寸大尺小加以浮腫氣分亦虛不但不能攝血而且不能清化溼熱防喘。

黃土湯草地朮附  
膠芩土 加大腹皮 桑皮 五茄皮

黨參 槐花

原註原方之妙。附子扶脾之母。黃芩清肝之熱。熟地滋腎之陰。白朮培脾之本。阿膠涼血之熱。各藏照顧。非仲景不能作也。

詒按。增入之藥。亦能興病機。恰當。

○紅白痢變爲便血。當時血色尚鮮。後又轉爲紫黑。或帶血水。而不了結。暑溼深入營中。氣虛無力以化降。而不升也。

駐車丸連膠姜歸加廣木香　黨參　甘草　伏龍肝  
薺菜花

詒按此證血分中有留邪。尙宜參用和血之品。  
再診 血雖漸止。氣猶降而不升。

補中益氣湯去陳皮合駐車丸 加赤芍 伏龍肝  
○痔疾下痢藏毒三者皆屬下焦溼熱爲患。

地榆散合三奇散耆防  
枳殼加廣木香

詒按立方精到擬再增銀花丹皮

○大小便易位而出名曰交腸。驟然氣亂於中多屬暴病。此症乃久病良由瘀血內阻新血不生腸胃之氣無所附而失治故所食之水穀悉從前陰而出所謂幽門者不司泌別清濁而闢爲坦途比之交腸證有似是而

實非者。此時論治。主以化瘀潤腸。必大腸之故道復通。  
乃可撥亂者而返之正。

旋覆花 猪絳 葱管 歸鬚 首烏 柏子仁  
薺菜花

另舊紗帽一只炙灰。每服一錢。五分酒下。

原註。紗帽一髮。漆膠黏而成。其亦取通瘀之意耶。

詒按。論證用藥。均有巧思。特未知效否。何如憶喻。  
西昌寓意草中所載姜宣人交腸病。與此相似。特  
病原有虛實之異耳。學者當參觀之。

○陽絡會傷陰氣素虛。更有溼熱鬱於營分。日久生蟲。  
擾亂於上中下三焦。以致欬嗽喉痺。惡聞食臭。起卧不安。肛部不舒。舌質深紅。其苔黃濁。卽仲景所謂狐惑病是也。久延不愈。卽入勞怯之途。

川連三分犀角三分烏梅五分人中白一錢百部一錢丹皮半錢  
甘草三分

詒按。讀金匱狐惑病一節。此證之原委乃明。

○脘腹作痛。滿腹苦熱。初起得食則痛。繼而不食亦痛。此肝胃不和。溼熱生蟲之狀。

烏梅丸 加青皮 白芍 金鈴子

詒按初起得食卽痛得無兼有食積否

再診 服前方腕腹之痛而苦熱者時作時止止則右脇下必有一塊攻築是屬蛔未安也

旋覆花湯合金鈴子散 加杏仁 雷丸 槐子

詒按蛔未安者似宜仍用烏梅丸此則因右脇攻築故用金鈴子散以泄肝耳

○溼熱挾風生蟲作癢有似攻注之形無處不至難治之證也

獵肝一錢磨開水冲服

再診 攻注有形而不攻注時無跡溼熱風蟲踞於瘻

中所致。

推氣散

枳殼桂心  
薑黃草

加白芥子

橘紅 羌活

獺肝

竹油

另醫通沈香化氣丸

大黃芩沈香六麴  
辰砂參朮竹油薑汁

治安頓升治蟲法本于金惟案中所云攻注有形無處不到究竟或在肢體或在腹裏均未敘明無

從揣測也

○人之涎下者何氣使然曰胃中有熱則蟲動蟲動則胃緩胃緩則廉泉開故涎下

黃連丸

連萸木香  
詞子龍骨

合烏梅丸

詒按方案俱高簡穩實。

門人趙樹誠  
族弟賈慶同校